

Lieber Nebi!

Objektyp: **Group**

Zeitschrift: **Nebelspalter : das Humor- und Satire-Magazin**

Band (Jahr): **77 (1951)**

Heft 47

PDF erstellt am: **19.09.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.


Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*
ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>



GIOVANNETTI

„Wenn das Polizei ischt, denn sind mir Prediger i der Wüeschti — verschtande?!“

Druggunggt fasso

Jedwäde, wo scho Diensch to hät, weiß, was das isch. Au die, wo kei Chlöpfschytt gfaßt hei, wüesses und chönnes

Dr Rainli Peter, ein us eusem Dorf, dasch sone Dunnerschieß gsi in däm Schtüg, das zeigen ech di zwei Schtüggli, wonech gschnäll wott vonem verzelle:

s isch in dr erschte Gränzbsetzig gsi, öbben anne Sächzääni. Do isch die Kumpenii, wo dr Peter drzue ghört hät, imene chleine Käffli emol zobe konsigniert gsi; si hei nit ins Dorf und nit in d Wirtschafte dörfe, si hei müessen im Kantenemänt bliibe . . .

Das Dinnehogge het im Peter eifach nit in Chroom ine pafyt. Er wär verfluecht gän ins Nochbersdorf, wo nen andri Kumpenii gsi isch, wo kei Schtrof het müessen absitze. Aber wie dort übere, wie zum Dorf us cho, wo alli Wachpöschte ufpaßt hei wie d Häftlimacher? Dr Peter häts bal duß gha. Wies dungel worden isch, isch er in dr Usgangsmuntur hindrem Schuelhus parad gschtande. Denn het er mitem Bajonett und mitere Schnuer öbbis teufels gchnüblet und denn ischer loszitteret — myseel zmittst durs Dorf ab. An dere Schnuer het ers Bajonett abunde gha und hets am Bode no, näbe sich ine

gschleift. Und was isch passiert? Jede Wachposchte, woner duren isch, isch zämme gfaaren und het e Gweergriff anegschmättere. Worum? Sälli Zytt hei halt d Offizier iri Säbel no nooche gschleift. Drum het doch s hinderscht Bei uf dr Wach gemeint, s gieng e Hööchere vorby. Und eso wie dr Peter zum Dorf us (und zu sym Halbschoppe) cho isch, eso isch er schpot znacht wider heimeszue. Und no im Schtrau het er e Grattel gha, will en alli Pöschte so schtramm grüefyt hei.

En ander Mol hei si e Gfächts-Türgg gha. D Kumpenii isch wytt ussen am Dorf im Wald gschanden und het gwartet (wies halt all eso goot!). Ins Dorf het niemerts dörfe, dort sig dr Find, hets gheifse. Aber euse Peter het gän gwüßt, wie dä Find au usgseech. Am Waldrand isch e Buerehöfli gschtande. Dort isch dr Peter ynediche, het in dr Schüüre s Chäppi und s Wafferöggli abzogen und het en alti, verwäscheni Burgunderbluuse (won emol blau gsi isch) agleit und isch im Dorf zue gweiblet. Dort isch er dirägg in ‚Hirsche‘. Wär isch dort inne

gsy? s ganzi Rößlichspil vom Battelion! Und alli hei in iri Landcharte gluegt.

Dr Peter isch an glyche Tisch gsässe, wo dr Battelionler gsy isch. Dort het er in aller Seelerue sy Halbschoppe gsürpflet. Er het mitem Major sogar über s Wätter und über s Heue brichtet. Aber woner zale wott, mueß er doch dr Burgunder e chly lüpfte, as er dr Gäldseggel cha vüre nee. Do seit dr Major zmol zuenem: ‚Loset, Rainli Peter, wenn dr s nöggst Mol weit Fasnecht mache, müender aber au no andri Hosens alege, nit settigi mit rote Passpoil. Hauets in Chübel jetz, zu Eucher Kumpenii. s nöggst Mol gits Chischte, wenn Ech wider verwüsch!‘

Dr Peter isch abdampft, im Wald zue. Aber dr Major hät glych uf de Schtoggzeen glache, will ‚s Druggunggt fasso‘ in sym Battelion eso guet güebt worden isch . . . KL

Lieber Nebi!

Das Buch ‚Bleibe jung und lebe länger!‘ ist dank amerikanischer Werbemethoden ein finanzieller Erfolg geworden. Ein geschäftstüchtiger Inhaber eines Vergnügungsetablissemments wollte davon ebenfalls profitieren und ließ in seinem Lokal obige Devise in etwas abgeänderter Form in großen Buchstaben anbringen. Sie lautete dann: ‚Lebe jung und bleibe länger!‘ B

